

## Ngambay - Njegɔl Maktub - Comfort Scriptures

2 Koritə 1:2-4 Maji kar noji gə meelɔm lə Jehova Bɔ síje ləm, gə ką Mbaidombaije Jeju Kristi ləm tɔ lé nai sə sí. 3 Maji kar dɔ ri Jehova lé ai səgərə, yeę gé to Bɔ Mbaidombaije lə sí Jeju Kristi ləm, gə bao-meekɔrjol ləma, gə Jehova gé bao-njegɔl meę dəwje ləm tɔ. 4 Yeę nja ba gé njegɔl sí dan némeekɔ gé rara gé j'isi danee'g gə mba kar mbɔl dɔ gɔl gé yeę gɔl meę sí lé jeę kara j'askəm gɔl ne meę mar síje gé d'isi dan némeekɔ'g gé rara kara gé ra dee lé tɔ.

Gosota-Kemkärje 15:13 Mee dəw gé lelee lé Ar təa to gə kogo dè, Ne loo gé mee dəw lelee el ndá Rea wəi sululu.

1 Mbaije 8:66 Ndɔ gé njekɔm'g jinaijoo ndá yeę yaq koso-dəwje ar dee d'aw. Tɔbəi deę tɔr ndu dee dɔ mbai'g lé bée ba deę d'ɔd d'aw mee kəi-kubuje'g lə dee gə rɔlel, gə meendakaj mbata némeemajije lai gé Njesigəneq ra gə kura ləa gé Dabid, kura ləa gə koso-dəwje ləa gé Israel lé tɔ.

1 Sôrta Gïka Israëlje 16:10 Ndubaje rɔ sí ká gə ria gé to gə kəmee doi lé, Maji kar deę gé saŋ loo gər Njesigəneq lé Nda meę dee kaj ya.

Gosota-Kemkärje 12:25 Mee-to-kəgəgə lə dəw lé ɔr singá hɔd, Ne ta gé maji ba ar rəa lelee.

Gosota-Kemkärje 13:12 Nékunda-mee-yel gé tila gé tila lé Mbiri wur dəw gé mbiri, Ne néndingga gé dəw inga mbə lé To asəna gə kag-kəmə.

Esai 30:26 Ndogó lə naj a tel to to gé ką kàr bée ləm, Kɔs lə kàr lə singá a kur dɔ kɔs'g ləa gé ndɔ kára as gɔl siri ləm tɔ Loo gé Njesigəneq a tɔ ta doo lə koso-dəwje ləa Kar ta dooje gé d'inja loo gé yeę kunda dee lə ər kəmsə.

Ojee 13:8 M'a kur dɔ dee'g asəna gə kɔ da-urs Gé d'odo ḡganee bée Ndá m'a kwa dee riba meę dee ḡerərə-ṅgerərə ləm, M'a rum dee to gé kɔ toboj gé rum ne né bée ləm tɔ, Daje gé wala ba d'a ti dee mbidi-mbidi.

1 Samel 1:8,10 Elkana gé ḡabeeeje lə dəjee pana: See gelee ban ba i nō ləm, so né el ləm tɔ wa. See gelee ban ba ar məəi tuji ar kəmi to ne ndò wa. See ma m'to maji kəmi'g m'unda ḡganje gé dingam dɔg el wa. 10Dan némeekad'g lə An ra tamaji ta Njesigəneq'g nō ne bugudu-bugudu tɔ.

Pakɔsje 25:16,17 Maji kari ila kəmi dɔm'g Bɔ gə oo ne kəm lootondoo'g ya kari, Mbata ma lə d'ubam d'yə'm D'am m'isi ne gé njenékəmndoo ya. 17 Néurtije gé d'ar bəŋgərəm ti dus lə D'j dɔ maree'd gé kédé-kédé ndá, Maji kari ɔrm dan nébəŋgərətije'g ləm ya kari.

Pakɔsje 34:19 Njesigəneq aar mbɔr deę gé bəŋgərə dee ti dus'g lə Yeę aji deę gé ndil dee unda bala tigi-tigi lé tɔ.

Pakɔsje 38:9 Singam godo am m'iri njigi-njigi, Meem gé pélé wəs-wəs lə am m'tumə ne ḡururu-ṅgururu tɔ.

Pakɔsje 55:5 Kaarm bar d̄igi-d̄igi ləm, Bəl-booje lə yoo kara d'ubam ne naŋ bus ya ləm tɔ.

Pakosje 61:3,4 M'isi gwɔi naŋ'd bər ya m'ila ndum naŋ m'nq m'bari ne Mbata məəm ila kas bilim ya, Maji kari ɔr nɔm aw səm dɔ biri mbal'd Gé m'askəm tee keneŋ gə dɔrɔm el lé, 4 Mbata i lé to njoloo-kula-dɔ ləm ya ləm, Gə kəi-kaar-kögərɔ gə duu dɔ loo nq njébaje'g ləm ya ləm tɔ.

Pakosje 62:9 Sej koso-dəwje lé kàr gé rara kara Maji kar sí ɔmje meę sí dəa'g, Tegje ginta gé to meę sí'g areeje! Mbata Jehova to njoloo-kula-dɔ lə sí ya.

Pakosje 73:26 Dakasrɔm gə bəŋgərəm lé d'askəm tuji pugudu ya, Nε Jehova a to biri mbal gə m'gəd rɔm dɔ'g ləm, Gə nédɔji ləm-ma ya saar-saar gə nq ləm tɔ.

Pakosje 77:3,4 Ndɔ néurti'g ləm lé Ma m'saŋ Mbaidombaije ya, Loondul lé m'ula jim ndin gé tar lal kwa gé naŋ, Ma mbad taje lai gé deę pa gol ne məəm lé. 4 M'ar məəm olé dɔ Jehova'g lé ndá M'tumq ne ɔgururu-ɔgururu, M'laji dəa'g ndá Meem ila kas bilim.

Pakosje 86:11 Ǝi Njesigəneq, maji kari tɔjim rəwje ləi Ndá m'a njaa dan kankəmta'g ləi lé ya ləm, Maji kari gol məəm aree to kára ba Gə mba kam m'bəl ne rii ləm tɔ.

Pakosje 109:22 Ma lé m'to gé njenékəmndoo gə njendoo ləm, Ɗgaw məəm lé iŋga doo ləm tɔ.

Pakosje 112:7,8 Ta gé majel gé a koso mbia'g lé Yee a bəl ne el, Yee ɔm mée dɔ Njesigəneq'g Wa ne mée kögərɔ ya. 8 Yee wa mée kögərɔ ya bó bəl né kára kara bée el Saar yee a koo koso lə njékomq səaje kar mée lelee ne.

Pakosje 143:4 Ndiləm unda bala tigi-tigi ləm, Meem to kəgəgə ya ləm tɔ.

Pakosje 147:3 Yee aji deę gé bəŋgərə dee ti dus ləm, Yee tɔ ta dooje lə dee ləm tɔ.

Gosota-Kəmkärje 14:30 Mee dəw gé to ləm lé to kəmə lə darəa, Nε kəmkəj to né gé sɔ siŋga rɔ dəw.

Njekillamber 1:13 Gə goo kəmkär lé ma m'woji məəm'g njang m'saŋ ne gin néje lai gé ra dɔ naŋ nee lé, yee ba gé kula gé kədərə gé Jehova ɔm ji dəwje'g ar dee d'ula rɔ dee keneŋ mbiriri dao ne.

Njekillamber 2:10 Néje lai gé kəm ndigi koo lé ma m'ɔgee dɔ'g el ləm, ma m'ɔg rɔm nérɔlel kára kara el ləm tɔ. Mbata kula ramje lai lé am m'ra ne rɔlel, yee ba gé né kama gé m'iŋga ya.

Njekillamber 2:22,23 Tɔgərɔ ya, see dī ba dəw a kiŋga dɔ kula reaje'g lai gə takəjije ləa gé wa mée yaq aree dao ne dɔ naŋ neelé wa. 23 Ndɔje ləa lai lé to gé némeekɔ ya ləm, kula rəa to gé nékəmndoo ya ləm tɔ, lé loondul'g kara loo kila mée po godo tɔ. Yee neelé to gé né gé kari ba ya bəi.

Njekillamber 11:10 ɔs némeekɔ gé to məəi'g rəw ləm, unda rɔi bad dɔ né gé majel'g ləm tɔ, mbata ləb nai basa gə dɔ gé lal pudu bəi lé ləm kara to néje gé gə midé ba ya tɔ.

Esai 30:29 Sej a kosje pa to gé d'ɔs ne pa loo-ra-nai'g loondul'g bée ləm, sej a raje rɔlel gə meę sí to gé dəw gé njaa gə ndu buula gé bar ləm tɔ gə mba kaw ne dɔ mbal'g lə Njesigəneq, yee gé to biri mbal lə Israëlje tɔ.

Esai 57:15 Mbata Njekurdɔloo ləm Njesikəmba gə nq ləma, Yee gé Ria to gə

kəmee ləm tō lé Pa togébè pana: Ma m'isi sém looje gé ndəw'g ləm, Gə loo gé to gə kəmee'g ləm tō, Nə m'isi nə'd gə dəw gé kəmee to ndòo ləm, Gə yee gé ula dəa ləm tō, Gə mba gol meę dee gé d'ula dō dee ləm, Gə dee gé kəm dee to ndòo ləm tō.

Esai 65:14 Aa ooje, kuraje ləm d'a kəs pa gə rəlel dəbəngərə dee'g, Nə sej lé a raje né wəl gə meekə dəbəngərə si'g ləm, Sej a noje nə-yoo Loo gé ndil sí unda bala tigi-tigi ləm tō.

Esai 66:13,14 To gə dəw gé keaje gol mée bée lé Togébè ba m'a gol ne meę sí ləm, D'a gol meę sí mee bee gé Jerusalem bée ləm tō. 14 Sej a kooje ndá meę sí a lel sí ləm, Singa rō sí kara a ŋgən ne ŋgən-ŋgən To gə mu gə idi bée ləm tō. Njesigəneq a riba dō singamon ləa rō kuraje'g ləa Nə yee a kar njébaje ləa d'oo ong-boo ləa.

Jeremi 15:16 Ma m'taa taje ləi m'uru dee məəm'g, Taje ləi lé ar məəm lelm ləm, Am m'isi ne dan boo-rɔkal'g ləm tō Mbata rii bar dəm'g, I Njesigəneq, Jehova lə njéboo-rɔje.

Jeremi 24:7 M'a kar dee bəngərə dee gé kə gərm to gé ma m'to Njesigəneq, bó lé d'a tel ree rɔm'g gə meę dee bura ndá d'a to koso-dəwje ləm ləm, m'a to Jehova lə dee ləm tō.

Jaq 14:1 Maji kar meę sí pélé wəs-wəs dō rō si'g el. Əmje meę sí dō Jehova'g lé ləm, əmje meę sí dəm-ma'g ləm tō.

Jaq 14:27 Ma m'yə sí gə meekuləm, nə meekuləm ləm ya m'ar sí. Ma lé m'ar sí to gé naŋg nee ba ar sí lé el. Maji karje meę sí pélé wəs-wəs el ləm, gə bəlje el ləm tō.

Jaq 16:6 Nə ta néje nee gé ma m'ula sí lé ar meekə taa meę sí pəl-pəl.

Jaq 16:22 Sej kara basinè lé sej sije dan némeekə'g, nə loo gé m'a tel koo sí ndá rō sí a lel sí təbəi dəw kára kara a kɔr rəlel lə sí el tō.

Néra Njékaikulaje 2:46 Ndəje kára-kára lai lé deę d'aw nə'd kəi-Jehova'g ta teg-teg ləm, d'aw kəi lə nə d'ə muru nə'd gə rəlel gə meendakaj ləm tō.

Rɔmə 9:2 M'isi gə meędul kɔl-kɔl ar meekə ɔsm ne ta-ta.

2 Korjə 2:4 Tɔgərɔ ya, ma m'isi dan boo-némeekə'g ləm, kaarm to ne kəgəgə ləma, kəm təd ne mán-nə mbiriri ləm tō, yee ba ma m'ndang ne maktub m'ar sí mba kar sí gərje gao ma m'ndigi sí gə məəm gé ɔr jol-jol ya bó gə mba ra sə sí nékəmndoo el.

Epesə 5:19 Pakɔsje ləm, gə pa kula rɔnduba dō Jehova'g ləma, pa gə woji dō né gé kə ndil lé ləm tō lé yee ba ɔsje pea gədje ne nə ləm, ɔsje ne gaji Mbaidɔmbaije, ilaje ne ribar dəa'g gə meę sí bura ləm tō.